

schwert recht in die hende des glauben nymbt/dan das ist/das  
schwert (welches mich von dem Papst izt geteylt / vnd den  
Papst von der Christenheyt teyllen würt) das vns Christus  
geschickt/vnd dauon er geschrieben also. Aber izt / ym an-  
fancf des todts/welcher eyn taschen oder beutell hatt/ vnd der  
nicht eyn seckell oder brott sack hatt / der vorkauff seynen rock  
vñ kauffym ein schwert/ Was ist das für eyn schwert:hör wie  
Christus sagt.

Lu: 22:  
Qui h3 tunc  
cā vendat eā  
& emat gla-  
diū. i. oīa re-  
liquat pp̄  
verbū.

¶ Das ist das schwert/Die schrifft muß erfuldt werden/  
Also hör ich/das die schrifft/ das schwert ist/das wir erkew-  
ffen sollen / vnd das / das selbe schwert erfuldt muß werden  
mit leyden/mit blut/vnd mit todt. Jha her es ist recht. Von  
des selben schwerts wegen/ muß ich meynen sack/ geltbeutel/  
vnd cleyder/das ist/das cleynste/vnd das außserlich groß gut/  
vnd dartzu hauth vnd har/lassen. Mir mocht villeycht meyn  
alder Adam zu tragen / Bitt gott das er den kelche / des todts  
von dir nehm. Aber der geyst würt sprechen. Meyn her / mit  
wie ich/sondern wie du/wilt/ Von wegen desselben schwerts/  
das ist das wort gottis (das mich von vatter/mutter/brüder/  
schwester / vnd von aller freundschaft abteylet ) do:ffe ich  
sagen.

Mat. 23:

¶ Christum findt man nit vnder freundschaft/ sondern yn  
seynem tempell/ dar ynn seyn wort klynget vnd erschillhet / do  
sich die Phariseyer vnd gleyßner / der Papst vnd seyn Becken/  
wundern/vnd nerisch werden. In dem selben tempell (der eyn-  
gelaßten mensch ist) wurt gott / Christus vnser herr gefunden/  
Ich werde Christum ynn dysem fall/bey euch betrubten freun-  
den nicht finden/werdent yhr aber / mir zuschreyben odder eyn-  
bloßen. Lieber freunt/das sey weyt vnd fern von dir / dastu  
von dem Papst zu Rom solst/ gefangen / zergentzet/ vnd er-  
todtet werden / wie der eynfältig Petrus zu Christo saget. Herr  
das sey fern von dir dastu zu Iherusalem solst von den Juden  
gefangen/geyffelt/vñ erwurget werden/ So solt yhr übel horen.  
Dan wie wol Petrus ein gut weltlich vnd natürlich meynung  
hett/ wie yhr odder andere Christenn mocht habenn.

Mat. 16:

B ij